

01 香菇

徐姿華原作

盡惜佢个細阿姨年初結婚吔 姨丈个屋下在該種香菇有當大片个香菇寮 阿姨湊佢兜去寮 順續仔去香菇寮剪香菇。佢講自家親身剪个香菇特別好食一旦就好食香菇个佢分阿姨恁仔錫啊越勢想愛去就緊喬阿姆 愛佢帶佢兜去剪香菇。

吾姆就安排一擺中部个探親旅行俾臨晝邊 佢兜就到細阿姨个屋下咧 親家、且姆當熱情又係泡茶、又係切水果來招待佢兜。食晝係當特別个菇仔大餐各式各樣个菇仔料理有萋萋个香菇炒肉絲、洋菇炒荷蘭豆、木米炒黃梨、焗到金黃香酥个金針菇、用幾下種菇仔煮个湯，清甜个香菇雞、鹹香个三杯杏鮑菇，還有鹹豬肉、蒸魚仔同炒青菜，十分豐沛！

食飽晝大人在屋肚坐寮、打嘴鼓佢兜細孺仔就在禾埕走相逐仔、跳上跌落搞到汗流脈絡。阿姨兜出冰到涼涼个梅仔湯分佢兜止渴該冰冰、甜甜又合酸丟酸丟个梅仔湯一落嘴哇實在還爽快哪！

姨丈拿幾隻篩仔同剪刀分佢兜講愛帶佢兜去剪香菇。香菇寮無 已遠行路五分鐘就到咧佢兜細人仔好擲擲仔從¹等入，儕儕都想愛搶先姨丈遽遽喝 佢兜 講愛先聽佢教仰仔剪香菇正毋會打爽 忒 吉好收个香菇。

一行入種香菇个所在，兩片同大人差毋多恁高个鐵架仔，排到滄

滄、裝等有機樹屑仔个塑膠盘仔，盘嘴綻出當多細細蕊、金黃色个珊瑚菇，另外一析係種咖啡色个柳松菇，較矮个架仔項係歸片个杏鮑菇；還有一區係排在地泥項个太空包，種个係秀珍菇同金針菇。俾山該向个壁項，憑等歸大排種香菇个樹截仔，姨丈講用樹截仔種出來个香菇香氣足，做得賣較好價，毋過較壞照顧。

恁大片个香菇寮，看起來當淨俐，還過，間十分鐘邊仔就會噴一到水霧，菇寮个採光足、通風好，寒、熱也做下有電腦來控制。原旦親家公用傳統个方法來種香菇，姨丈將現代科技運用在香菇寮裡肚，事頭變輕鬆咧、收入也較好，實在無簡單。

佢兜照姨丈个吩咐 細心細意个剪菇仔 無幾久逐隻篩仔做下裝滄各色各種个菇仔咧。佢兜 愛轉个時節 姨丈還送分 佢兜有菇菌个太空包 愛分 佢兜 帶轉去練習照顧。佢講 朝晨、暗晡愛同佢噴水，一兩禮拜仔就有菇仔好收咧，這禮物實在已生趣，也分人當期待呢！

¹從：音jiung✓；快速向前衝。

02 蹶山

劉玉蕉原作

天旨光，狗旨吠，阿姆就在該咻哩！「阿榮啊，好跣哩，日頭愛出來哩啲！」

「阿珍妹，遽遽著鞋啲，愛出門哩啲！」

天甫甫仔光日頭還在該睡目，佢兜一屋下人就目擘擘仔起腳行共下去蹶小中崙山哩。路狹狹仔草面頂个露水旨散分佢兜个腳徑啊著就歸串歸串碾落地泥，一粒一粒金皙皙像珍珠樣仔，靚到耐毋得！吾心肝肚偷偷想：若係用佢兜來串一條珍珠戩鍊，送分阿姆戴，毋知幾靚仔哦！

涼爽个風，一陣一陣吹來，路脣个花花草草，分佢吹到搖頭拗腰，領頭行禮，就像該戲臺面頂，煞猛表演个大明星共樣。行到山下老妹湊佢拚輸贏，看麼人先跋上山嶼頂去。兩儕就恁樣頭磬磬麼人都毋認輸，相爭拚往上。佢座大當然輸毋得歸路毋敢停跔，鼻噴噴大氣緊啟，直直拚上山，蹶到山頂，撇等心臟，佢斯跳到硬硬像愛恬忒樣仔哦！

「哇！山頂个風當涼呢！」看往下，老妹還在半山排，厥个面頰卵紅啾啾仔，佢看哪廟肚个關公都無佢恁紅哦，一張嘴擘啊擘仔，又像細狗仔啟氣，實在還古董，還好笑！

山頂个風，特別清，特別涼爽，風裡肚有東勢果子个香氣，有花草草个清甜味緒，這風吹到人歸身仔鬆爽，吹到人透心涼，進前蹶

山个艱苦，到這下也做下毋記得也！樹頂絡食个鳥仔嘰嘰啾啾¹，跳上跳下叫無停，草窠个蟲仔毋願輸佢，也唧唧滾應聲。打早，山頂就恁仔鬧熱濟借哩！眺望該山下，遠遠个東勢，到今還蒙等一層紗，在濛沙煙裡肚睡到毋知好醒呢！

「遽遽，大家看！還靚哦！」

東片个雲像打地粉樣仔，紅霞紅霞。紅霞退忒，係千條萬條个金色光，對山仔个後背射出來，無幾久，一粒大火球，就對山頭跳出來哩，晟到人擘毋開目，晟到濛紗遽遽隱身。日時頭个事頭，對這下正正式起勢呢！

企在山嶼頂佢兜放勢牯享受打早个光景登高眺望个開闊視野，使人心情快樂，分人知得感恩，感恩大自然賜分人恁仔个好環境。阿爸長透講：「早跣床个鳥仔就有蟲仔好食。」到這下佢總算體會著這句話个意思哩！

¹嘰嘰啾啾：音 ji ji jiu jiu；狀聲詞。形容鳥鳴聲。